

清宮詩稿外文選

三峯閣中印行
第十一二集

歐陽文忠公集卷之三十一

十一

清宣統朝外交史料卷二十二

宣統三年閏六月下至八月上

目錄

魯撫孫寶琦咨外部擬訂收回德商鑛權合同請核覆文 附照會暨合

同閏六月初八日

使俄薩蔭圖致外部丞參報與陸使商議俄約事函初九日

魯撫孫寶琦咨外部與華德鑛務公司議結收回鑛權文十一日

英使朱邇典致外部鈔送英國華茶商董致倫貝子函 附鈔件十三日

外部致陳昭常俄領署設馬隊恐他國藉口希磋商電十四日

吉撫陳昭常致外部俄請於延吉埠外設領署乞峻拒電十七日

滇督李經羲致內閣滇路收歸國有請旨飭下迅議電十七日

日使伊集院致外部圖們江運出木材敝國政府允許通融辦理照

會十八日

湘撫楊文鼎致郵部查明湘路收支各款實數電二十日

新撫袁大化致外部日人游歷于闐不呈驗護照乞詰日使調回電

二十六日

使俄薩蔭圖致外部丞參英日第三次修改同盟條約已在倫敦畫

押函二十七日

度支部奏核議江督奏請以輕息借款還重息借款應由該督先行

交該省諮詢局議決摺二十八日

外部致伊集院吉撫電稱圖長公司木材已裝運出口轉達感忱函

七月初一日

外部奏分省禁運印度洋藥先擇成效最著數省與英使商定辦理

摺附條件附件並照會三件初二日

俄使廓致外部華商運貨請勿路過俄境照會初五日

鄂督瑞澂咨外部美孚行在宜昌城內售賣貨物與約不符請照覆
美使飭辦文十三日

外度商三部奏議結滇省隆興公司鑄案取銷原訂合同摺十四日

外部咨稅務處及甘督長庚甘肅受三聯單影響收稅寥寥希飭津

海關整頓文十六日

和使貝致外部准照稱陸徵祥調使俄國劉鏡人使和已轉達文十

九日

吉撫陳昭常致外部圖們江設渡事已飭查遵辦電二十四日

使美張蔭棠致外部墨西哥菜苑華人被害墨總統允緝兇賠償電

二十四日

東督趙爾巽致外部中日議定京奉鐵路協約文附協約八月初二日

外部致粵督張鳴岐德外部允改華工苛例請准在粵先招一批電

初三日

郵部奏展築京奉路線磋商就緒議定辦法摺初六日

郵部奏查明湘鄂路工暨股捐各款情形摺初六日

英使朱邇典致外部繕送中英在奉議訂英美煙公司納稅辦法照

會附照會及章程初六日

奉天交涉使許鼎霖呈外部丞參日人在鴨綠江造橋日領援滿洲里辦法應否照准請示函初八日

義使斯致外部義土不得已交戰請查照照會初十日

粵督張鳴岐奏詳陳廣東息借洋款情形摺十一日

外部覆義使斯義土宣戰緣由業已閱悉照會十二日

理藩部咨各路將軍大臣義土交戰希飭遵守中立電十八日

外部咨稅務處日使請勘瓜州至清江浦水標希飭會勘文十八日

使日汪大燮致外部義土戰事日諭臣民嚴守中立電十九日

清宣統外文史料卷二十一三錄三

清宣統朝外交史料卷二十二

男 希 隱 亮 編

黃巖弢夫王彥威輯

孫孝章敬立校

魯撫孫寶琦咨外部擬訂收回德商礦權合同請核覆

文附照會贊合同

爲咨呈事案據調補奉天勸業道蕭應椿會同候補道余則達詳稱竊照東省自膠濟路成德商礦務公司照約在坊子馬莊開礦兩處屢禁華人在附近開礦爭執有年迨津浦借款合同簽定又要索膠沂津浦路內礦權並請封禁大汶口華礦迭蒙外務部及憲臺始終堅持密圖

補救於是德使照會始有劃清礦權之語上年十月間我憲臺即本此意諭令職道應椿與該公司悉心磋商遼即參考歷年礦務交涉統籌東省礦產全局酌擬大概辦法四款略謂該公司除現辦之坊子馬莊兩處煤礦及未辦之金嶺鎮鐵礦外其餘各路線內礦權均行取消有酌償給從前勘礦購地費及東省日後開礦如借款用人購機器均先儘德國致書德領事說之以事理動之以輿情囑與公司婉商並稟蒙憲臺函達外務部奉十一月庚電開礦務辦法四款盡籌極佩應飭該道照此與議如議有眉目再行咨部核定等因嗣因公赴青島晤該公司總辦畢象賢彼此問答剴切陳說宣布朝廷德意傳述憲臺命令畢象賢頗爲感動旋據德領事貝斯函送公司節略三款在彼雖有退讓

在我仍多妨損此後屢經談判筆舌幾窮始將大綱議定其餘細節尙待磋商均經職道應椿稟呈鈞鑒在案本年四月杪交卸勸業道本任復蒙憲臺溫諭有加殷殷慰勉旋奉劄飭將此案一手經理議結並檄委職道則達會同辦理竊維此案在我以收回三路礦權爲最要之著利害棄取要在權其輕重且彼亦必須以相當之利益互換所議始克有成謹將數月以來磋商爲難情形爲我憲臺縷陳之一淄博礦界爲該公司所最注重淄博礦產豐饒公司第一次繪送礦界圖係淄川全境並毗連博山職道應椿深知淄博窮黎向以挖煤爲衣食若兩境全爲公司所有勢必至華民無以爲生因議博境全留淄境各半以天台崑崙兩山爲界山北歸公司山南歸華人公司未允因親赴淄川會同

畢象賢查勘並邀集紳董鑛商詢以何處宜存何方可舍僉謂南境鑛產多佳貧民所賴只求酌爲留出等語旋議定淄川東南境由大奎山起斜線經龍口鎮西北至淄川東境爲界界南鑛產歸華商辦理博山亦全行讓還一淄川華鑛該公司爲專利起見請將劃入界內華鑛全行封禁查淄川全境旣經劃界則各辦各鑛凡淄川南境及博山境內已開之鑛可永遠保全未開之鑛亦足敷開採質之該紳商等咸謂此次去瘠留腴爲初念所不及其北境附近洋鑛者久無人開稍遠者雖有小鑛數處夏令水大不禁自停因議定此後界內小鑛不令重開以杜爭執一濰縣鑛界公司繪送濰縣一圖將昌樂縣之荆山窪安邱縣之西北境劃入圖內當經致函詰問一面派員測勘旋據函覆謂坊子

鑛脈與昌樂安邱連絡斷不能分割且全在三十里路線內等語查荆
山窪鑛地當光緒二十九年該公司迭請禁華人在該處開鑛經前憲
臺周馥飭縣封禁有案公司早已據爲已有華人至今未能再開且確
在三十里路線內距坊子洋鑛十里勢難爭回該公司情願讓出安邱
西北境以易荆山窪似可照允一金嶺鎮鐵鑛公司前曾探苗現尙未
開意欲開辦時兼辦鐵廠查開設鐵廠屬於製造有背約章斷難照准
如公司獨辦則須移設於青島公司亦不允嗣議定中國如願在該鑛
附近創設鐵廠亦可合股辦理言外如中國不願創設則公司不能獨
辦隱施限制一償給勘鑛購地費公司前在膠沂膠濟路內勘鑛多次
蘭山郯城兩縣購地一千五百餘畝索償其費用二十八萬餘元再四

磋商讓至二十一萬元不肯再減因與議定以一年爲限分兩期付給其餘各條無大出入均與一律議明於是公司允已成之膠濟鐵路未成之津浦鐵路甫勘之膠沂鐵路凡曹州教案條約許與公司之三十里礦權均行取消職道等酌擬條款五案先請憲臺鑒核俯准諭令照辦隨卽繕就華德文各四份並繪礦界圖四份每份四張於六月二十九日職道等與德領事貝斯德公司畢象賢簽字畫押並據該領事函稱斯美德請假回國是以未能簽字畢象賢代山東礦務公司有獨自簽字正當之權斯美德自無庸簽字等語統觀全案公司之所取者濰淄金嶺三處而仍不越路線三十里範圍我之所取者三路礦權從此收回職道等所謂利害棄取當權其輕重者指此是皆仰賴外務部主

持於內我憲臺籌畫於外指授機宜始克將東省已失之利權大半挽回和平議結惟查此案係德使發起照會外務部咨行東省遵辦茲旣辦結擬懇憲臺咨請外務部查核奏明並照會德使以符原案謹呈簽字華德文條款及鑛界圖各二份以一份存憲署以一份請咨送外務部其餘二份歸德領事與鑛務公司收執並照繕華文條款一份乞分咨農工商部備案至償款二十一萬元數鉅期迫且在本省預算案之外可否奏請飭下度支部撥指的款以濟要需而免貽誤之處伏乞鈞裁蘭鄰兩縣地畝應請檄飭勸業道童道飭縣收回具報除將職道應椿交卸以後往返函牘移交童道存案外所有遵飭與德商鑛務公司議結收回各鑛權一案簽定條款並繪具鑛界圖緣由理合詳請鑒核

批示祇遵實爲公便再職道前遵諭在條款之末載明倘日後他國在中國辦鑛者皆認遵中國鑛務新章公司亦一體承認等語據德領事與該公司稱如華鑛章與德鑛章大略相符自應遵守惟此係兩國國家行政未便載入條款應俟此案辦結後由憲臺照會領事轉稟公使核辦等語合併陳明等情到本部院據此除詳批示並分咨外相應咨呈鈞部謹請查核辦理見覆施行閏六月初八日鑛務檔

附外務部致德國公使照會

爲照會事案查山東省各鐵路路線內之開鑛權前准雷前大臣來照聲明極願隨時劃清經本部咨行山東巡撫與德領事商辦並於上年十二月間照覆雷前大臣在案茲准山東巡撫咨稱此案經飭

調補奉天勸業道蕭應椿山東候補道余則達與華德礦務公司將該礦權會同劃清商定辦法各款繕就華德文各四份並繪界圖四份於六月二十九日與德領事貝斯德公司畢象賢簽字畫押請照會德國駐京大臣等因贊華德文條款並礦界圖附送前來本部查閱所訂各辦法均皆妥協業經彼此訂定會同簽字畫押自無異議相應鈔錄合同照會貴大臣查照備案並見覆可也閏六月十六日

中德收回山東省各路礦權合同

爲訂立條款事今山東官府與華德礦務公司將山東省各鐵路路線內礦權會同劃清商定辦法彼此議定各款如下

第一款 一山東礦務公司議定坊子礦場與淄川縣礦場暨自金嶺